

GOBIERNO DE NAVARRA

PRESIDENCIA JUSTICIA E INTERIOR

ECONOMIA Y HACIENDA

RELACIONES INSTITUCIONALES Y
PORTAVOZ DEL GOBIERNO

ADMINISTRACION LOCAL

EDUCACION

SALUD

DESARROLLO RURAL Y MEDIO
AMBIENTEASUNTOS SOCIALES FAMILIA
JUVENTUD Y DEPORTE

CULTURA Y TURISMO

OBRAS PUBLICAS TRANSPORTES Y
COMUNICACIONESVIVIENDA Y ORDENACION DEL
TERRITORIO

INNOVACION EMPRESA Y EMPLEO

SEGURIDAD Y EMERGENCIAS

Denda txikiak modernizatzeko programan izena emateko epea zabalik dago

Nafarroako Gobernuak 130.000 euro bideratu ditu ekimen horretara

Jueves, 07 de abril de 2011

Nafarroako Gobernuak, Berrikuntza, Enpresa eta Lan Departamentuaren bidez, 130.000 euro bideratu ditu Kabinete Tekniko Komertzialaren zerbitzu izeneko programaren

[deialdi berria](#) egiteko. Horren bidez, Foru Komunitateko txikizkako merkataritzaren kalitatea eta lehiakortasuna hobetu nahi dira.

Berrikuntza, Enpresa eta Lan Departamentuak bultzatu eta CEIN sozietate publikoak kudeatutako ekimen horretan parte hartzeko izena emateko epea irekita dago eta datorren urriaren 31ra arte irekita egongo da.

Programa honetan, merkatariei negozioaren kudeaketa eta establezimenduaren barruko eta kanpoko irudia aztertzea eskaintzen zaie. Merkataritzaren egoerari buruzko azterlanaren emaitzak diagnosi indibidualizatuan jasotzen dira, eta horretan zenbait gomendio tekniko ematen dira dendak berritzeko eta hobetzeko.

Horrez gain, doako programa horrek langile teknikoek programari atxikitako establezimendu guztiei egindako gomendioen jarraipena eskaintzen du eta gomendio horiek ezartzeko diru-laguntzak lortzeko aukera eskaintzen du. Zerbitzuko jarduerak "Nafarroako Barne Merkataritza Modernizatzeko II. Plana 2008-2011" izenekoaren barruan sartzen dira.

CEINEk kudeatutako Kabinete Tekniko Komertzialak, jarduerak gauzatzeko, hamar entitateren partaidetza du, "Nafarroako Langile Tekniko Komertzialen Sarean" sartzen direnak. Zerbitzuari buruzko informazioa eta aholkularitza ematen duten zentroak dira, eta entitate horietako talde teknikoek egiten dituzte diagnosiak.

Gaur egun, sare hau hurrengo hauek osatzen dute: Baja Montaña - Mendi Behera Elkarte, Cederna-Garalur Elkarte, Barañaingo Merkatarien Elkarte, Lizarrako Merkatarien Elkarte, La Campana Merkatarien Elkarte, TEDER Elkarte, Tuterako Udala, Erdialdeko Garapen Partzuergoa eta Nafarroako Denden Federazioa.

Kabinete Tekniko Komertziala 2005ean sortu zen Nafarroako txikizkako merkataritza modernizatzeko, errentagarriago eta lehiakorrago egiteko. Modu horretan, gizarte-eskaera berriei eta beste banaketa-formula batzuei aurre egiteko gai izango zen.

Aldi honetan, 200 denda inguruk hobekuntzak egin dituzte negozioaren alderdi zehatzetan, programaren aholkularitza zerbitzuari esker, bestek beste, hurrengo hauen inguruan: negozioaren kudeaketa, markaren irudia, aplikazio informatikoak, bezeroaren profila eta bezeroa leial bihurtzea, merchandising, lokalaren kokapena eta ingurua, etab.